

Vitamin D - SCHALLUH (K/T: S. Schwenk - 2023)

Mir wardet, wardet, wardet - mir wardet scho sganze Johr
Dass mr ganga, ganga, ganga - ens Bettringer Freibad ganga ko
No pack i, pack i, pack i - no pack i mei Badhos ei
Ond no schpreng i, schpreng i, schpreng i - Bei 18 Grad ens Wasser nei

D'Kiahldasch dui isch packt - bis obano mit Bixabier
No flagg i auf mei Luftmatraz, gugg end Sonn ond no denk i mir

Uuuh- heiligsblechle isch des schee

Uuuh - jetzt tank i Vitamin D

Uuuh - i sinnier so vor mi no

Uuuh - weil i mirs guat - ganga lassa ko

Jetzt hol i, hol i, hol i - jetzt hol i mir was zum Schlegga
Denn Des aller, aller, aller - allerbeschte send Mohrakopfwegga
No her mr Iron, Lion, Zion von Bob Marley o
Denn do laufet, laufet, laufet - die Sommerhits, im Radio

D'Kiahldasch dui isch voll - bis obano mit Aporol
Stregg mein bloicha Bauch end Sonn - au glaub dass i morga wieder komm

Uuuh- heiligsblechle isch des schee

Uuuh - jetzt tank i Vitamin D

Uuuh - i sinnier so vor mi no

Uuuh - weil i mirs guat - ganga lassa ko

I frog mi blos warum - got dr Sommer emmr so schnell rom
Ond wenn dr Wendr wieder kommt - no lieg i oifach, anders Solarium
ond denk mr

Uuuh- heiligsblechle war des schee

Uuuh - i tank trotzdem Vitamin D

Uuuh - i sinnier so vor mi no

Uuuh - no wart mr halt - no wart mr halt

No wart mr halt - bis zum nächsta Johr